



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Divi Avrelii Avgvstini Hippon. Episcopi Meditationes,  
Soliloquia et Manuale**

**Augustinus, Aurelius**

**Coloniae Agrippinae, 1649**

Hic repræsentat homo Patri paßionem Filii, 6

[urn:nbn:de:hbz:466:1-54885](#)

tam gratiam. Dummodo iratis Principibus dilecta<sup>r</sup> prolis intimaverint Charitatem. Sic delinquentes servuli evadunt supplicia dominorum, dum pro eis intervenit dulcedo filiorum. Sic te omnipotens Pater per omnipotentis Filii charitatem postulo, educ de carcere ad confitendum nomini tuo, animam meam. Libera me à vinculis peccatorum, per co<sup>r</sup>ternum flagito unicum tibi natum; meque, cui propria merita, lethalem minantur sententiam, preciosissimæ ad dexteram tuam consendentis prolis interpellatione restaura placatus ad vitam.

3. Quem enim alium dirigam intercessorem tibi, nescio, nisi hunc, qui est propitatio pro peccatis nostris; qui sedet ad dexteram tuam, interpellans pro nobis. Ecce advocatus meus, apud te Deum Patrem. Ecce Pontifex Summus, qui non alieno eget expiari sanguine; quia proprio refulget perfusus cruento. Ecce hostia sancta, beneplacens & perfecta, in odorem suavitatis oblata & accepta. Ecce agnus sine macula, qui coram se tondentibus obmutuit; qui alapis cæsus, sputis illitus, opprobriis affectus, os suum non aperuit. En, qui peccatum non fecit, peccata nostra pertulit, & languores nostros suo livore sanavit.

### C A P V T VI.

*Hic præsentat homo Patri paſſionem Filii.*

1. **A** Spice pie Pater piissimum Filium, pro me tamen impia passum. Respice cle-

clementissime Rex, quis patitur, & remis-  
niscere benignus, pro quo patitur. Nonne  
hic est, mi Domine, innocens ille, quem,  
ut servum redimeres, filium tradidisti?  
Nunquid non auctor vitæ hic est, qui, ut  
ovis ad occisionem ductus, tibique usque ad  
mortem obediens factus, atrocissimæ non  
timuit necis genus subire? Recole totius  
salutis dispensator, quia hic est ipse, quem  
etsi ex tua virtute genuisti, meæ tamen infirmitatis  
participem fieri voluisti. Vere hæc  
est tua Deitas, quæ meam induit naturam;  
crucis ascendit patibulum, quæ in assumpta  
carne triste tulit supplicium. Reduc, Domi-  
ne Deus meus, oculos tuæ Majestatis super  
opus ineffabilis pietatis. Intuere dulcem  
natum, toto corpore extensem. Cerne ma-  
nus innoxias pio manantes sanguine: & re-  
mitte placatus scelera, quæ patrarunt manus  
meæ. Considera inerme latus crudeli per-  
fossum cuspide, & renova me sacro fonte,  
quem inde credo fluxisse.

2. Vide immaculata vestigia, quæ non ste-  
terunt in via peccatorum, sed semper ambu-  
laverunt in lege tua diris confixa clavis: &  
perfice gressus meos in semitis tuis, & fac  
me odio habere benignus omnes vias ini-  
quitatis. Viam iniquitatis amove à me, &  
fac me, propitius viam veritatis eligere.  
Oro te Rex Sanctorum, per hunc San-  
ctum Sanctorum, per hunc Redemptorem  
mei; fac me currere viam mandatorum tuo-  
rum, ut ei valeam spiritu uniri, qui mea non  
horruit carne vestiri. Nunquid non attendis,

E

pie

pie Pater, adolescentis filii charissimi caput nivea cervice deflexa preciosissimum resolutum in mortem! Aspice mitissime conditor, dilecta sobolis humanitatem, & miserere super infirmi plasmatis debilitatem.

3. Candet nudum pectus, rubet cruentum latus, tensa arent viscera, decora languent lumina, regia pallent ora, procula rigent brachia, crura pendent marmorea, rigat terebratos pedes beati sanguinis unda. Specta, gloriose genitor gratissimae prolis lacerata membra; & memorare benignus, quæ mea est substantia. Conspicare Dei hominis poenam, & relaxa conditi hominis miseriam. Vide Redemptoris supplicium, & redempti dimitte delictum. Hic est, Domine mi, quem propter peccata populi tui percussisti, licet ipse sit dilectus in quo tibi bene placuisti. Hic est ille innocens, in quo dolus non est inventus, & tamen inter iniquos deputatus est.

### C A P V T VII.

*Hic recognoscit homo se causam esse  
Paſſionis.*

1. **Q**uid commisisti, dulcissime puer, ut sic judicareris? Quid cominiſti, amantissime juvenis, ut adeo dure tractareris? Quod scelus tuum, quæ noxa tua, quæ cauſa mortis, quæ occasio tuæ damnationis? Ego, ego sum tui plaga doloris, tuæ culpa occisionis. Ego tuæ mortis meritum, tuæ vindictæ flagitium: Ego tuæ passionis livor, tui cruciatus labor. O admirabilis censuræ